

6.
SANCTISSIMI DOMINI NOSTRI

CLEMENTIS

DIVINA PROVIDENTIA

P A P Æ X I.

Litterę Apostolicę in formâ Brevis
ad Proregem Regni Sicilię

*Data diebus XXII. Octobris MDCCXII.
ac XXIII. & XXX. Septembris
MDCCXIII.*



ROMÆ; MDCCXIII.

Ex Typographia Rev. Camerae Apostolicę.



THE JOURNAL

OF THE

ROYAL SOCIETY

OF LONDON

AND

THE

ROYAL SOCIETY

OF MEDICINE

OF LONDON

AND

THE

ROYAL SOCIETY

OF MEDICINE

OF LONDON

AND

THE

3

Dilecto filio Nobili Vir^o moder-
no Marchioni de los Balbazes
Proregi Siciliae .

CLEMENS PAPA XI.

*Dilecte fili Nobilis Vir salutem, &
Apostolicam benedictionem.*



Quando ex iis , quæ superio-
ribus mensibus Nobilitati
Tuæ perscribenda existi-
mavimus , spem haud le-
vem animo conceperamus
fore ut illata Ecclesiae à sæ-
culari istius Regni potestate quamplura ;
eaque gravissima detrimenta congruâ re-
paratione sarcirentur , non modò præteri-
ta non corrigi , sed antiquis vulneribus
nova cumulari vulnera magno planè , in-
timoque cum paterni cordis nostri dolore

A 2

in-

intelligimus . Certis etenim testimoniis inter cætera nuper allatum ad Nos fuit tuo quidem nomine, sed iis ipsis, ut opinamur, instigantibus, qui Ecclesiasticam libertatem isthic perturbandam, & Sacros Altaris Ministros exagitandos temerè suscepunt, Venerabilibus fratribus Episcopis Cataniensi, Mazariensi, & Agrigentino mandatum fuisse, ut infra terminum octo dierum Edictum abrogent ab ipsis jussu Congregationis Venerabilium Fratrum nostrorum S. R. E. Cardinalium Immunitati Ecclesiasticæ, & controversiis jurisdictionalibus præpositæ promulgatum, quo universis Christi-fidelibus significatur absolutiones ab Ecclesiasticis Censuris, quibus ab Ordinariis locorum innodati declarantur violantes, & quoquomodo lædentes Ecclesiasticam Immunitatem, à quovis, præterquam à Romano Pontifice pro tempore existente, vel ab eadem Congregatione ad id ab hac Sancta Sede specia-

cialiter delegata concessas, nullas prorsus, ac irritas esse ex defectu jurisdictionis, adeoque nemini suffragari: denunciata minacibus verbis ipsis Episcopis, quatenus non obtemperent, temporalium bonorum occupatione, aliorumque etiam graviorum malorum iniecto metu. Quantum porro novis ejusmodi attentatis Ecclesiastica libertas, ac immunitas violetur: quam gravis iniuria nedum Sacris Antistitibus, verum etiam Apostolicæ Sedi, à qua per ministerium prædictæ Cardinalium Congregationis memorata definitio prodiit, infligatur: quantum insuper ea ipsa minacia mandata adversentur filiali illi studio, ac devotioni, qua Ipse eandem Sedem amantissimam Matrem tuam colere aliàs professus fuisti: quantum denique offensionis, & scandali attulerint bonis omnibus, quos plurimos in isto Regno esse novimus; non est, cur Tibi fusiùs, atque subtiliùs explicemus, cum ea pro spectatâ
 pru-

prudentiâ tuâ intelligere , ac agnoscere ,
 abundè possis . Cum igitur hæc omnia sine
 Pastoralis muneris nostri detrimento , ani-
 mæque etiam nostræ periculo dissimulare
 minimè valeamus , Nobilitatem Tuam rur-
 sùs vehementer hortamur , admonemus ,
 atque etiam in Domino obtestamur , ut
 præmissâ tum vetera , tum recentia atten-
 tata sedulò corrigi , ac emendari cures
 quamprimùm : prædictis tribus Episcopis
 non alterius criminis reis , nisi quod mu-
 nere suo strenuè functi sunt , ullam omninò
 molestiam inferri nequaquam sinas : aliis ,
 qui mandata nostra hac in re exequi hæte-
 nùs distulerunt , nullum , quominùs illa in-
 cunctanter exequantur , obiici impedi-
 mentum , & quæ fortè obiecta fuerint , re-
 moveri mandes : ac demùm ita Te geras ,
 ut omnes intelligant Te eo esse in Sacro-
 sanctam Dei Ecclesiam animo , ut ejus Jura
 tueri , & sarta tecta servare intendas , non
 convellere , aut imminuere . Id autem nun-
 quam

quam efficies, si mundanæ tantum prudentiæ (quæ apud Deum stultitia est) homines, quique suæ potiùs fortunæ, privatæque utilitatis, quàm decoris, & conscientiæ tuæ rationem habere dignoscuntur, audias, eorumque consiliis morem geras. Itaque quod Ecclesia ipsa, quod æquitas, quod religio, quod animæ tuæ salus, quæ certo aliàs in discrimine versaretur, omnino postulant; quod Nos etiam paternâ Tibi charitate suggerimus, alacri animo exequere, Dilecte fili, Nobilis Vir: Ecclesiasticâ autoritate, ac libertate in pristinum, restitutâ, sacrisque Ministris ab injuriâ vindicatis, supernam Dei opem, ac patrocinium commissis Tibi populis, magnam Nobis, & Confacerdotibus nostris gaudii materiam, ingentem denique nomini tuo pietatis, & justitiæ laudem comparaturus. Et Apostolicam benedictionem Nobilitati Tuæ peramanter impertimur. Dat. Romæ apud S. Mariam Maiorem sub Anulo

8
nulo Piscatoris die vigesima secunda Octo-
bris MDCCXII. Pontificatus nostri an-
no XII.

Joannes Christophorus Battellus.

CLEMENS PAPA XI.

Dilecte fili Nobilis Vir. Longum jam temporis spatium præterisse cernimus, ex quo summâ cum animi nostri amaritudine, quemadmodum satis omnibus constat, nonnisi permolesta, & tristia ex isto Regno ad Nos afferuntur, ob plurima, ac sanè gravissima, quæ illic sive à seculari potestate, sive illius nomine, atque præsidio in maximum Pontificiæ authoritatis detrimentum, ac omnimodam Ecclesiasticæ libertatis everSIONem admissa fuerunt, adeòt jam facti propemodùm videamur opprobrium vicinis nostris, subfannatio, & illusio his, qui in circuitu nostro sunt. Fatemur quidem (quod utinam divinam in Nos dexteram aliquandò non armet) tot, tantaque Ecclesiæ inflicta vulnera hætenùs Nos lentâ nimis, ac sanè mi-

B

tiori,

tiori, quàm par erat, manu tractasse; non
tamen, ut Nobilitati Tuæ compertum est,
desides omnino fuimus, nec acerbis adeo,
frequentibusque injuriis laceffiti penitus
obmutuimus; sed pro nostra non minus
erga aeternam, quæ magnæ Nobis curæ est,
ac esse debet, salutem tuam, quam erga
Inclytum istud Regnum, illiusque popu-
los, quos intimè diligimus, paternâ chari-
tate, iis Te, nec sane semel, excitare, ac
urgere monitis non præterminimus, quæ
ad avertendam à Te, eodemque Regno ce-
lestis iræ animadversionem conducibilia,
ac planè necessaria fore existimavimus.
Cum autem nihil hucusque profecerimus,
quin etiam omnia, quæ Ecclesiæ, quæ no-
stra, imò verius, quæ Dei sunt, deteriore,
isthic in dies loco esse ex certis nimium ad
Nos allatis documentis prehenderimus;
ac interim eo inter cetera prolapsus sis, ut
postquam tuo nomine, tuæque autoritate
Edictum quoddam Pontificiæ nostræ iuris-
di-

ditionis ; & potestatis summopere lasi-
 vum in pluribus istius Regni Civitatibus,
 & Locis, præsertim verò Cataniæ, ac Mes-
 sanæ promulgatum fuerat , primum qui-
 dem mense Aprili proximè præterito Ve-
 nerabilem Fratrem Andream Episcopum
 Cataniensem nedum à Civitate , ac Dioce-
 cesi Catanienfi, sed & à toto Siciliæ Regno
 discedere compuleris ; ac subindè, nimi-
 rum mense Julio nuper elapso, quando sci-
 licet maximè sperandum erat, ut prioris
 detestabilis facinoris penitentiâ ductus, ac
 pudore suffusus, illud congruâ emendatio-
 ne corrigere, conscientiaque tuæ consule-
 re non differres, delicta delictis cumulans,
 non absimili, & fortè magis etiam violento
 adhibito medio, Venerabilem itidem,
 Fratrem Archiepiscopum Messanensem
 ab ejusdem Regni finibus ejicere non for-
 midaveris : non aliâ profectò de causâ, ni-
 si quod ambo præfati Antistites incum-
 bentis sibi Pastoralis officii debitum fide-
 li-

ter impleverint, nostrisque, ac hujus sanctę
 Sedis mandatis, ut par erat, obtemperave-
 rint; Et quod præmissorum à te gestorum
 atrocitatem auget, ac Nos sine horrore
 meminisse non possumus, non erubueris
 ambobus, in ipso violentę eorum ejeccio-
 nis actu, exhiberi facere epistolam proprio
 tuo caractere subscriptam, qua non mi-
 nus cum insigni Episcopalis dignitatis in-
 juria, quàm cum ingenti, ac publico Chri-
 stifidelium, quibus hæc innotuerunt, scan-
 dalo, utrique eorum, ut sine morâ non mo-
 dò è suis Catanien., ac Messanen. Civitati-
 bus, ac Diocesibus respectivè, verùm
 etiam è toto dicto Regno exire deberent,
 impudenter non minùs, quàm minaciter
 præcipiebatur. Hinc est, quod Nos omni
 prorsùs spe dejecti, diuturniorem longa-
 nimitatem nostram quidquam in posterum
 profuturam esse, simulque tum ex memo-
 ratis literis tuis, tum etiam ex aliis, quę in
 Processu, ut vocant, speciali jussu nostro
 defu-

desuper confecto habentur , liquidis probationibus agnoscentes Te inter alia sacrilegæ , ac violentæ expulsionis præfatorum Archiepiscopi Messanensis , & Episcopi Catanienfis reum esse , adeòque aperte perspicientes qualem propterea animæ tuæ labem asperferis , quippe qui censuras omnes , & pœnas Ecclesiasticas contra talia perpetrantes à Sacris Canonibus , Generalium Conciliorum Decretis , & Apostolicis Constitutionibus , ac præsertim literis die Cenzæ Domini singulis annis legi , & promulgari consuetis inflictas manifestè incurristi : seriò , ac paternè Te requirimus , & monemus , necnon Apostolicâ auctoritate Tibi mandamus , quatenùs ad cor reversus , intra trium mensium spatium docere omninò debeas Te antedictos Præfules congruis , ac planè debitis eorum dignitati honoris , & reverentiæ significationibus ad suas Sedes revocasse , ut ibidem residentes , pristinâ , ac integrâ ju-

risdictione, & libertate, ut par est, fruatur: Alia insuper omnia, quæ isthic adversus Ecclesiasticam Immunitatem, ac Jurisdictionem Pontificiam tuo nomine, tuove jussu; vel assensu, seu autoritate quovis modo acta, edita, promulgata, seu gesta, fuerunt, penitus aboleas, revoces, ac rescindas; ut ita cunctis iis, quæ perperam egisti, debitâ emendatione correctis, consequi tandem merearis à Censuris, & pœnis hujusmodi absolutionem, cujus beneficium, quatenus illud; post debitam, ac condignam Ecclesiæ præstitam satisfactionem, humiliter petieris, nonnisi à Nobis, seu Romano Pontifice pro tempore existente Tibi impendi posse omnino scias. Hæc si impleveris, conscientia tuæ opportunè confules; si minus feceris, ultra quod divinæ justitiæ ultionem non effugies, Nos etiam ad ulteriora, quibuscumque non obstantibus, ex Canoniarum sanctionum normâ procedemus, Teque à Sanctæ Matris

tris Ecclesiæ gremio, & communione ex-
clusum esse absque aliâ citatione palàm de-
clarabimus. Dat. Romæ apud Sanctam
Mariam Majorem sub Annulo Piscatoris
die vigesimâ tertiâ Septēbris MDCCXIII.
Pontificatus nostri Anno XIII.

Joannes Christophorus Battellus

CLEMENS PAPA XI.

Dilecte Fili Nobilis Vir. Ingenti profecto tangimur dolore cordis intrinsecus, novoque, ac summo horrore perfundimur, dum à Venerabili Fratre Francisco Archiepiscopo Episcopo Agrigentino, qui hac ipsâ die ad hanc Almam Urbem pervenit, stupentes audimus, eum non à Ciuitate tantum, ac Diœcesi Agrigentinâ, sed & à toto Siciliae Regno non ita pridem abire Nobilitatis Tuæ iussu compulsu fuisse, propterea quod Immunitatem Ecclesiasticam Sacerdotali illic constantiâ, quemadmodum tenebatur, asserere non dubita-
verit, & nonnulla mandata nostra eò pertinentia diligentèr, ac strenuè executus fuerit. Hæc sanè Tu iniquo animo ferens, ac reverentiæ Episcopali Ordini debitæ prorsus oblitus, sicuti paulò ante Venerabiles

biles itidem Fratres Archiepiscopum Mes-
 fanensem, & Episcopum Catanensem eam-
 dem ob causam ab isto Regno per insi-
 gnem injuriam, manifestamque vim eje-
 ceras, ita de præfato etiam Archiepiscopo
 Episcopo Agrigentino, ut abyssus abyssum
 invocat, statuere veritus non fuisti, scri-
 ptisque minacibus literis, quibus illi, ut in-
 fra viginti quatuor horarum spatium ab
 Agrigentinâ Civitate, ac infra biduum à
 toto dicto Regno discederet, temerè præ-
 ceperas, necnon misso illuc Officiali cum
 validâ armatorum Militum manu, qui &
 præfatas tuas literas ipsi redderet, & invi-
 tum ad obtemperandum vi cogeret, susce-
 ptum nefarium consilium tandem perfec-
 isti, non sine maximo Christifidelium scan-
 dalo, ac Populi præsertim Agrigentini;
 qui innocentis, ac intimè dilecti Pastoris
 expulsionem molestissimè tulit, publicisq;
 lacrymis prosecutus fuit: ipso interim Pa-
 store gaudente, quoniam dignus habitus
 esset

esset, si non pro Nomine Jesu, certè pro Ecclesia, quam acquisivit Jesus Sanguine suo, contumeliam pati. Nuperrimo hoc tam atroci facinore nostrum ad judiciũ delato, certisque documentis comprobato; deberemus profectò, canonicæ severitatis arrepto gladio, ea in Te incunctanter exequi; quæ à sacris Sanctionibus aduersus talia, attentantes providè constituta sunt; diuturniori nihilominus longanimitate expectandum rati, ut ad cor redeas, perperam, gesta corrigas, ac ea demùm omnia præstes, & impleas, quæ non minùs de Ecclesiasticæ Immunitatis tutelâ, quàm de gravi animæ tuæ periculo solliciti, aliis Nostris die 23. labentis mensis Septembris in simili formâ Brevis ad Te datis literis pro paternâ Nostrâ charitate Tibi denuncianda existimavimus, Te iterùm requirimus, monemus, ac obtestamur, necnon traditâ Nobis à Domino potestate Tibi mandamus, quatenùs infra terminum in eisdem

nu-

uperis Nostris literis constitutum docere
 minò debeas, Te memoratos tres Anti-
 ites ad suas Sedes, quibus par est, hono-
 s, ac reverentiæ significationibus revo-
 asse, eisque permisisse, ut in suâ quisque
 dioecesi resideant, necnon pristinâ jurisdi-
 ctione, & libertate potiantur, ac reliqua
 andem cuncta re ipsâ perficias, & exequa-
 is, quæ Tibi in antedictis literis nostris in-
 inximus. Hæc si non feceris, scito Nos,
 lapso termino; quemadmodum in aliis
 præfatís literis ediximus, ex Canoniarum
 sanctionum præscripto ad ulteriora omni-
 nò processuros, Teque à Sanctæ Matris Ec-
 clesiæ gremio, & communione exclusum
 absque aliâ citatione palàm declaratu-
 ros esse, quibuscumque non obstantibus. Dat.
 Romæ apud Sanctam Mariam Majorem,
 sub Annulo Piscatoris die trigesimâ Se-
 ptembris MDCCXIII. Pontificatus Nostri
 Anno XIII.

Joannes Christophorus Battellus.



[illegible]